



### AKCIJA "SKUTER"

## SIPA uhapsila još dvije osobe

TUZLA, ZVORNIK - U nastavku skcije "Skuter" policijski službenici Državne agencije za istrage i zaštitu (SIPA) u srijedu su uhapsili još dvije osobe koje sumnjiče za organizovani kriminal u vezi s krivičnim djelom nedozvonjeni promet akciznih proizvoda.

Prethodno je dan ranije u ovoj akciji uhapšeno pet osoba osumnjicanih za ista krivična djela. Kako je juče rekao Luka Miladinović, portparol SIPA, tokom

akcije pretresli su stambene i poslovne objekte na 11 lokacija u Tuzli, Kalesiji i Zvorniku, a ukupno je uhapšeno sedam osoba.

"Prilikom pretresa policijski službenici SIPA otkrili su i privremeno oduzeli 16.974 kutija cigareta, oko 27 kilograma rezanog duvana, 11 mobilnih telefona s pripadajućim SIM karticama, novac u ukupnom iznosu od 8.045 evra i 16.390 maraka, pištolj, te druge predmete koji mogu poslužiti kao dokaz u daljem krivičnom postupku", naveo je Miladinović.

Akcija kodnog naziva "Skuter" realizovana je po naredbama Suda BiH i Tužilaštva BiH, u saradnji s policijskim službenicima MUP-a RS i MUP-a TK.

"SIPA će u zakonskom roku nadležnim pravosudnim institucijama podnijeti odgovarajuće izvještaje", rekao je Miladinović.

LJ.R.